

靈犀錦傳奇

下

聖學錄

卷一

靈犀錦傳奇卷下

西湖居士編次

集艷主人較閱



第十九齣

錯認

末扮店主上竹客風敲玉簾疎月鏤金孤齋清况
味嗟咄語傳心夜來將及五更聞張官人叫喊慢
行不知何故未免去一看張官人梳洗未曾生上
探春令生昨霄一夢攪人腸自覺神情勞攘

見介末想應草榻不安以致神情欠爽官人爲甚
將及天明叫喊起來生曩者小二難至妻家段

都督園中。偶遇他侍兒瘦紅。有片言之愛。昨夜懸念瘦紅。忽已入夢。末這極湊趣了。生唱

九迴腸。解三醒。生憶西軒片時歡暢。含羞處。驚喜非常。爲探虎穴。罹羅網。撇鴛侶。遽奔亡。一時未慰離別况。千里撩人繫寸腸。增惆悵。小生正然偎倚。忽段小姐突然而至。三學士把綢繆打散。還嗔妬。博得個意亂心慌。小生捨了瘦紅。就將小姐抱住。末一發有趣。生只見小姐道。我有玉人錦句。曾相訂。又有鴛牒全憑作主張。末果曾有麼。生果是有的。急二鎗。我正待

叙風流趣。可恨丫頭肥綠、驀然趕來、說大人喚小姐就一同去了、忽驚去。因此語徬徨。

末如此、官人昨夜筭做得個趣夢了、小子備下酒餚、與官人接風、生宿酒未醒、少緩、小生渴欲見杜薛二兄、未知杜大哥與商驃騎交鋒如何、末小子已差人過河打探、杜元帥定然取勝的、淨札巾佩、

劍扮朱儉上

半剪梅淨誤闖烟花幾命亡。跳出危疆。又入名疆。

我朱儉自從官奴家砍了張健、兩個妓女、隱身

而遁不覺已到黃河渡口、並無入見、正是風行俯
視人如蟻、雲擁閑觀世似棋、好神術也、此處有莫
寨主頭目卜訪開店、不免進見、與末見禮介、淨見
生呀原來張官人也在此、生呀朱禁子因何到此、
末朱都尉與張官人舊相識、來得恰好、且陪相公
飲一杯、慢訴衷曲、末送酒唱

風入鎖窓、風入松前、末須索且持觴、把往事從頭細
講。淨我潛身投入元戎帳、那杜元帥一聞小將鄉貫、
便問張官人、我將被害併出獄之事細訴、卽着我前

來相訪。鎖窓後我尋踪覓跡。直至伊家庄上。生曾到
小庄見我太公麼。定知我父母的下落了。淨令尊堂
都避禍在庄。有林太師呵。泰山傍。幸然無恙。寄將鱗
鴻二紙。謾端詳萬金家信。須玆藏。

出書付生生接介生如此重勞了。謝之不盡。唱

鎖窓風入鎖窓郎。前生感君家宿露飡霜。更冒險關
津嚴範防爭張官人說來也駭死。一夕小將借宿于
留情巷上官妓家。幾乎做出大事。你道那上官妓是
誰。生是誰。淨却就是管阿脰妻子。小亥上官氏入了

烟花豈不是管呵。脬肆惡的果報。怎生幾乎做出
事來。淨上官氏娶兩個粉頭。喚名綠肥紅瘦。生沉吟
介。怎麼瘦紅綠肥也落了烟花。唱縱恁尤難釋。也不
合令爲娼。他二人曾問及小生麼。淨不問及。那二妓
正陪小將飲酒。不料上官氏密報本縣。差步兵都頭
張健。帶弓兵五十名。圍了妓家。來捉小將。生末你一
人如何敵他衆兵。好利害。怎生脫得虎口。末被我拔
劍先殺了綠肥紅瘦。併張健也殺了。風入松後直將
他斷首剜腸。逃過了這飛殃。

生驚介將將瘦紅也殺了悲介兀得不痛殺我也

淨服罪介小將不知是官人舊表一時誤殺死罪

死罪生拭淚介於兄何罪小生自是難爲情耳唱

勝如花生從那日一會間曾許百年姻眷誰知你誤

墮烟花。溘朝露。三生分淺。縱少君安能魂返。吊三湘

也徒然淚漣。瘦紅姐。誰知你恁般命薄。小生恁般緣

慳。惟道昨夜入夢。却原來是你遊魂不捨。依戀着小

生。誰知數日別。便作九原招。好苦殺人也。直須是來

生合歡搔首蒼天。怎不教人哀怨。末官人省愁煩

雲肩金
自古道死者不復生。須不是官人負他。他自薄福耳。
且開懷把英雄氣展。待榮歸締小姐良緣。待榮歸締
小姐良緣。

襖扮報子上

滴溜子。襖扮元帥。杜元帥。兵威震天。商驃騎。商驃騎。
命歸九泉。三千官兵心顫。望風俱納降。軍聲歡忭。金
鼗鞭敲。凱歌唱旋。

末辛苦你了。進內酒飯。報子。乾坤增浩氣。鼓角壯
神威。下末。淨。恭喜元帥大捷。張官人明日便可渡。

河、

一悲還一喜。

一廢合一興。

逐鹿中原沸。

將軍著令名。

第二十齣

報訛

襍扮軍校鳴鑼上高叫介軍民人等聽着俺桑叅
爺有令爲因孟門山大盜莫公端劫掠邊疆攻陷
州縣朝廷差驃騎將軍商檀相往勦兵敗身亡今
奉旨起復桑叅爺供職統兵討賊明早辰時起馬
不許一人一物觸犯家家開戶肅清街道違者軍

法施行。又鳴鑼叫一遍了。小旦急上。不好了。小姐有請快來。旦急上。

不是路。旦驚訝堪疑。疾啓簾櫳。問起居。聲頻遽。小旦接這場灾禍。果稀奇。旦你且莫悲啼。從容說與奴詳細。敢老相公朝中有甚不虞。小旦非關是。張官人身上傳來語。那禁魂悸。那禁魂悸。

街上遍處喧傳。朝廷差驃騎將軍張善相。征勦孟門賊寇。那知賊勢猖獗。跌脚哭介。一時運蹇。戰亡在陣上了。旦此語從何而來。張郎逃難。朝廷方且

捕捉必然埋名遠遁、如何得做驃騎將軍、縱使果
然、他精通遁甲、熟諳韜鈴、這性命就這般容易結
裹、天下豈少同名之人、必是訛傳、毋惑羣吠、小旦
瘦紅也是這般想、但朝廷因兵敗、又起復桑叅將
領兵、明辰起馬、不許軍民行走、萬口沸傳、張善相
被莫公端所殺、只恐是真怎了、旦你喚老蒼頭、
謹去打探的實來覆、小旦應下、旦我信張郎必無
此事、洵有之呵、不難一死從君地下、

桃紅鵲踏枝、小桃紅旦傳來凶問、非故堅疑、想着你

凌雲志。龍韜負奇。兼役鬼驅神。更百靈護持。須信仲
謀期。豈若景升癡。直似那豚和犬也。束手無能任彼
爲。老旦急上。孩兒禍事了。早間傳張郎被賊所殺。我
尚不信。急喚蒼頭打探。都說是實。兒撇得你鏡中畏
見青鸞舞。琴裏愁聞黃鵠音。好苦也。且悲暈老旦喚
醒介。老旦悲唱。鵲踏枝。真個苦殺人也。兒真個痛殺
人也。兒。少女無歸。老母無依。天天不憫。閃得人老大
傷悲。

旦。母親年高。勿過悲痛。孩兒生死係張郎婦。遲早

是未亾人。嘗笑世間碌碌女子。但知毀容斷臂。堅
守終身。只完得一已節操。于丈夫分上。毫無補益。
孩兒自幼蒙爹爹教以劍術。技擅乘風。欲待上表
陳情。願請爹爹麾下精兵。誓殲賊首。與丈夫報仇。
也不枉了張郎有婦。那時歸奉雙親。可不兩全。

背唱介

大河蟹。且想着他。惜別時有千思萬想。想着我促行。
時有天知地知。非是我鐵石心兒。只指望博得榮
歸家。室室只恁的心癡意癡。到如今悔遲恨遲。且

轉唱介只待去雪耻除兇。仗取椿庭大威。

老旦報仇雪耻。豈女子所爲。旦母親孩兒之志已
尖。拚與張郎同死沙場。老旦不可不可快打迸起
念頭。想張郎尚斃賊手。况閨閣女流。到得那裡。幸
而長鯨授首。不在氣吐幽明。倘饒短蜮含沙。必竟
身爲殘辱。那時求死不得。縱是玉潔冰清。已不免
瓜田李下。不如在家守志的好。唱

江頭送別。老旦爲兒語。爲兒語。不須執迷報讎事。報
讎事。非兒所宜。倘然未報身先斃。教我桑榆景靠

誰支

丑肥綠急上夫人、瘦紅姐已是哭暈在裡邊、鬧得
小姐決要去報仇、夫人決不肯放去、小姐是烈性
的、不依他、便終日狗頭狗、將肥綠拳槌棒、却不悔
氣、肥綠倒有一個兒見識在此、老旦你有甚見識、
丑那張官人庄上的林和尚太師、是當今活佛、或
者張官人不死、或者小姐去報得仇、問他一聲、便
曉得了、何必只管咽咽噉噉、啼啼哭哭、老旦肥綠
此言甚爲有理、明日孩兒同去問個明白、旦若林